

## **Ceannaire Foirne don Mhatamaitic, Ábhair T4 agus Clár na hIdirbhliana san Iar-bhunscoil**

### **Sainchuntas Poist agus Nótaí Ginearálta**

#### **1. Forbhreathnú**

Is seirbhís tacaíochta trasearnála í an tSeirbhís um Fhorbairt Ghairmiúil do Mhúinteoirí (SFGM), agus í faoi shainchúram na Rannóige um Oideachas Múinteoirí sa Roinn Oideachais agus Scileanna. Tugann sí tacaíocht forbartha gairmiúla do mhúinteoirí bunscoile agus iar-bhunscoile agus do cheannairí scoile. Cuireann an obair a dhéanann SFGM le feabhsúchán scoile trí fhorbairt ghairmiúil leanúnach ar ardchaighdeán a chur ar fáil ar shaincheisteanna curaclaim agus oideachais, agus cleachtas athmhachnamhach agus forbairt leanúnach á gcothú i measc múinteoirí agus ceannairí scoile.

I measc thosaíochtaí na Roinne Oideachais agus Scileanna sna blianta amach romhainn tá:

- Litearthacht
- Uimhearthacht
- Eolaíocht, Teicneolaíocht, Innealtóireacht agus an Mhatamaitic (STEM)
- Teicneolaíochtaí Digiteacha a leabú sa Teagasc agus san Fhoghlaim de réir na Straitéise Digití do Scoileanna de chuid na Roinne Oideachais agus Scileanna
- Féinmheastóireacht Scoile
- Sláinte agus Folláine
- Ceannaireacht Scoile
- An curaclam a athchóiriú lena n-áirítear Ábhair agus Clár Bhunscoile agus Iar-bhunscoile

**Tá deis iasachta lánaimseartha á tairiscint ag SFGM faoi láthair le haghaidh Cheannaire Foirne don**

- **Mhatamaitic Iar-bhunscoile lena n-áireofar forbairt a dhéanamh ar an ról atá aici maidir le haidhmeanna agus cuspóirí an Pholasáí um Oideachas STEM 2017 - 2026 a bhaint amach**
- **Ábhair T4**
- **Clár na hIdirbhliana**

Tasc tosaíochta do 2018/2019 is ea comhordú a dhéanamh ar Thionscadal Oidhreachta an Diplóma Ghairmiúil sa Mhatamaitic don Mhúinteoireacht in Ollscoil Luimnigh lena ndéireofar ar na hacmhainní a forbraíodh a nuashonrú agus a úsáid.

Oibreoidh an Ceannaire Foirne mar chuid d'fhoireann meán-bhainistíochta agus tuairisceoidh sé/sí go díreach d'fhoireann ardbhainistíochta na Leas-Stiúrthóirí agus don Stiúrthóir Náisiúnta.

**Is é an spriocdháta d'iarraitais 3 pm Déardaoin, 13 Meán Fómhair.**

## 2. Sainchuntas Poist

Beidh an Ceannaire Foirne d'Iar-bhunscoileanna do na hábhair agus cláir thuasluaite freagrach as:

- An fhoireann lánaimseartha comhairleoirí a bhfuil saineolas acu sna réimsí sin a threorú agus a bhainistiú
- Ceapadh agus soláthar forbartha gairmiúla leanúnaí a bhainistiú agus a threorú trí mhúnlaí éagsúla
- Imeachtaí náisiúnta agus réigiúnacha forbartha gairmiúla leanúnaí a phleanáil agus a sceidealú, agus monatóireacht agus meastóireacht a dhéanamh orthu
- Iarratais tacaíochta scoile ar na hábhair/cláir ábhartha a bhainistiú agus riar cásanna a dháileadh ar chomhairleoirí de chuid na foirne
- Monatóireacht a dhéanamh ar shonraí tacaíochta forbartha gairmiúla leanúnaí a chuireann an fhoireann iar-bhunscoile isteach i gCóras Bainistíochta Sonraí SFGM agus na sonraí sin a thaifeadadh agus a asbhaint
- Bainistíocht a dhéanamh ar línte buiséid le haghaidh na n-ábhar agus na gclár thuasluaite, lena n-áirítear an buiséad bliantúil a ullmhú agus monatóireacht leanúnach a dhéanamh ar chaiteachas.
- Comhlaigh pháirtaimseartha sna hábhair agus sna cláir ábhartha a threorú agus a bhainistiú
- Oiliúint agus forbairt na foirne lánaimseartha comhairleoirí agus na gcomhlach páirtaimseartha a chomhordú
- Acmhainní a chur ar fáil don fhoireann comhairleoirí
- Insealbhú agus oiliúint ball nua foirne a phleanáil
- Bainistíocht a dhéanamh ar ábhair acmhainní a ullmhú agus a sholáthar mar chuid de na cláir forbartha gairmiúla agus tacaíochta
- A áirithiú go dtacaíonn na cláir forbartha gairmiúla leanúnaí ábhartha le Teicneolaíochtaí Digiteacha a leabú sa teagasc, san fhoghlaim agus sa mheasúnú
- A áirithiú go ndéantar na ranna ábhartha de shuíomh gréasáin SFGM a chothabháil agus go bhfuil siad cothrom le dáta Tacaíocht a thabhairt don fhoireann ardbhainistíochta chun obair SFGM a chomhordú
- Dul i gcomhairle le comhlachtaí oideachais/institiúidí tríú leibhéal agus cigireacht na Roinne agus oibriú i gcomhar leo de réir mar is iomchuí

- Cúraimí riaracháin a dhéanamh de réir mar a theastaíonn ón ardbhainistíocht
- Tuarascálacha a scríobh agus cáipéisíocht a bhainistiú
- Cumarsáid éifeachtach a eagrú agus cúram a dhéanamh di

*D'fhéadfadh dualgais an Cheannaire Foirne athrú de réir riachtanas agus tosaíochtaí a thagann aníos agus de réir mar a shannann an Stiúrthóir Náisiúnta iad.*

### 3. Raon an Eolais, na Taithí agus na Scileanna a theastaíonn

Beidh ag an iarrthóir is fearr raon inniúlachtaí agus scileanna chun tacú leis an ról. Beidh na nithe seo go háirithe ina measc:

- Scileanna idirphearsanta den scoth
- Eolas agus scileanna ceannaireachta
- Sárscileanna idirbheartaíochta, bainistíochta foirne agus spreagtha, agus cumas cruthaithe athrú a threorú agus a bhainistiú
- Eitic láidir oibre
- Scileanna bainistíochta tionscadal agus scileanna tionscadal a chur i gcrích
- Raon taithí teagasc, eolas an-mhaith ar churaclaim náisiúnta, ar an dóigh a n-oibríonn scoileanna agus ar reachtaíocht ábhartha (lena n-áirítear Alt 24 den Acht Oideachais, 1998)
- Eolas ar bheartas oideachais agus ar thaighde ar an oideachas atá ar fáil faoi láthair agus atá ag teacht chun cinn
- Eolas agus taithí ar straitéisí éifeachtacha maidir le hoideachas múinteoirí, ceannaireacht scoile, féinmheasúnú scoile agus feabhsúchán scoile
- Taithí ar fhorbairt ghairmiúil múinteoirí a cheapadh, a fhorbairt agus a sholáthar lena n-áirítear fianaise air go bhfuiltear in ann machnamh, an fhoghlaim bunaithe ar fhiosrú agus taighde scoil bhunaithe do mhúinteoirí a shlógadh agus tacaíocht a chur ar fáil ina dtaobh
- An cumas obair daoine eile a eagrú agus a chomhordú go forghníomhach
- Tuiscint ar an ról atá ag na teicneolaíochtaí digiteacha sa teagasc, san fhoghlaim agus sa mheasúnú
- Beidh taithí ar mhúineadh trí mheán na Gaeilge, líofacht sa teanga agus an toil oibriú trí mheán na Gaeilge ina mbuntáiste le haghaidh an phoist seo ach ní riachtanas iad

*Tá solúbthacht ina gné lárnach den ról d'fhonn riachtanais na heagraíochta a shásamh, agus mar sin áireofar ann toilteanas le taisteal agus/nó oibriú sa tráthnóna de réir mar a bheidh réasúnach agus riachtanach chun na dualgais a fheidhmiú i gceart faoi réir na dteorainneacha arna leagan síos san Acht um Eagrú Ama Oibre, 1997*

#### 4. Láthair

- Beidh na hiarrthóirí rathúla ar iasacht in Ionad Oideachais Bhaile Átha Cliath Thiar agus tuairisceoidh siad d'fhoireann bainistíochta SGFM
- Ní riachtanas a bheidh ann go mbeidh an Ceannaire Foirne lonnaithe in Ionad Oideachais Bhaile Átha Cliath Thiar. Beidh gá dó/di, áfach, taisteal ann agus chuig áiteanna eile de réir mar a bheidh gá
- Beidh ar iarrthóirí a n-éiríonn leo a gcóir iompair féin a bheith acu agus láncheadúnas tiomána a bheith acu agus a choinneáil
- Beidh rátaí taistil agus cothabhála na seirbhíse poiblí i bhfeidhm agus ríomhfar iad ó d'Ionad Oideachais sainithe áitiúil, nó ón mbaile, de réir mar is cuí

#### 5. Iasacht

Tá an post seo oscailte do gach múinteoir cáilithe a bhfuil post aitheanta acu in iar-bhunscoil aitheanta,

- Beidh na hiasachtaí de réir ciníollacha Imlitir na Roinne Oideachais agus Scileanna – faoi láthair 0029/2018.
- Ceapfar iarrthóirí a n-éireodh leo ar bhonn iasachta ar feadh scoilbhliain amháin, faoi réir tréimhse phromhaidh trí mhí a chur i gcrích go sásúil.
- Tá an iasacht faoi réir athbhreithniú agus athnuachan bhliantúil agus faomhadh bliantúil údarás/Bhord Bainistíochta na scoile agus na Roinne Oideachais agus Scileanna

#### Ceadú na Roinne Oideachais agus Scileanna

- Is faoi réir cheadú na Roinne Oideachais agus Scileanna atá gach ceapachán
- Ní féidir tairiscint chríochnúil cheapacháin a thabhairt sula dtugtar ceadú

#### Conradh

- Iarrfar ar gach iarrthóir a n-éireoidh leis nó léi conradh a shíniú, ina ndéanfar soláthar do phróiseas leanúnach feidhmíochta agus forbartha.

#### Eile

- Tá gach ceapachán faoi réir fianaise ó Ghrinnfhiosrúchán an Gharda Síochána agus go soláthróidh an t-iarrthóir a n-éireoidh leis/léi fianaise ar chuntas saoire breoiteachta sásúil d'Ionad Oideachais Bhaile Átha Cliath Thiar
- Tá gach ceapachán faoi réir teistiméireachtaí sásúla, lena n-áirítear teistiméireacht ó fhostóir reatha an iarratasóra

- Coimeádann Ionad Oideachais Bhaile Átha Cliath Thiar i gcomhar leis an Roinn Oideachais agus Scileanna an ceart an post a athfhógairt i gcás ina measann sé nach bhfuil go leor iarratasóirí incháilithe ann. Cuirfear na hiarratasóirí incháilithe ar an eolas agus tabharfar an rogha dóibh a n-iarratas a fhágáil ar an gcomhad
- Oibreoidh an t-iarrthóir a n-éireoidh leis/léi go heisiach d’Ionad Oideachais Bhaile Átha Cliath Thiar agus ní bheidh cead aige/aici glacadh le fostaíocht ar bith eile ar feadh thréimhse an chonartha gan cead cuí a fháil roimh ré

## 6. Tuarastal

I gcás na hiasachta, tagann an tuarastal le haghaidh Ceannaire Foirne le Catagóir 3 mar a fhoráiltear dó i nDámhachtain Eadrána 2003 i ndáil le múinteoirí ar iasacht, faoi réir na gcoinníollacha a leagtar amach thíos. Tá luach saothair i gcónaí faoi réir rialacháin ábhartha na Roinne Oideachais nó na Roinne Caiteachais Phoiblí agus Athchóirithe. Faoi láthair tá imlitreacha reatha an Roinn Oideachais agus Scileanna i bhfeidhm – imlitir reatha 0083/2017.

Tá Ceannaire Foirne ( tosaitheoir roimh 2011) i dteideal na nithe seo a leanas:

- A p(h)ointe ábhartha ar Scála Buntuarastal Coitianta Múinteoirí, **agus**
- Liúntas as bunchéim onóracha
- Liúntas as Ard-Diplóma onóracha san Oideachas
- Liúntas caighdeánach iasachta Chatagóir 3, atá inphinsin (féach an tábla thíos)

Catagóir ar Iasacht	Post SFGM	Buntuarastal Coitianta Múinteoirí	Liúntas do Chéim Onóracha	Liúntas d’Ard-Diplóma Onóracha	Liúntas Iasachta Caighdeánach
3	Ceannaire Foirne	Mar is Infheidhmithe	€4,918 in aghaidh na bliana @1/1/2010	€1,236 in aghaidh na bliana @ 1/1/2010	€13,146 in aghaidh na bliana @ 1/1/2010

Tá Ceannaire Foirne ( tosaitheoir i ndiaidh Eanáir 2011 agus roimh Feabhra 2012) I dteideal iad seo a leanas:

- A phointe/pointe ábharthach ar an Scála Comónta Bunúsach d'Oidí **móide** Her/his relevant point on the Teachers' Common Basic Scale, **plus**
- Liúntas Ard Diplóma in Oideachais Onórach **más rud é go bhfuil go bhfuil an liúntas ag an muinteoir cheana féin**
- An Liúntas iasachtachta caighdeánach Catagóir 3, a théann chun pinsean. (féach an table thíos)

Catagóir Iasachtachta	Post SFGM	Scála Comónta Bunúsach na nOidí	Liúntas ATO Onóracha	Liúntas Caighdeánach Iasachtachta
3	Ceannaire Foirne	Infheidhme	€1,236 in aghaidh na bliana @ 1/1/2010	€13,146 in aghaidh na bliana @ 1/1/2010

Tá Ceannaire Foirne (tosaitheoir i ndiaidh Feabhra 2012) i dtideal orthu siúd a leanas:

- A phointe/pointe ábharthach ar an Scála Comónta Bunúsach d'Oidí, **móide**
- An Liúntas iasachta caighdeánach Catagóir 3, a theann chun pinsean. (féach an table thíos)

Catagóir Iasachtachta Catagóir	Post SFGM	Scála Comónta Bunúsach na nOidí	Liúntas caighdeánach Iasachtachta
3	Ceannaire Foirne	Infheidhme	€13,146 in aghaidh na bliana @ 1/1/2010

Ní bheidh liúntais do phost freagrachta iníoctha le pearsanra ar iasacht a fhaigheann na liúntais iasachta thuas.

## 7. Nós Imeachta Roghnúcháin

- Roghnófar an duine cuí trí agallamh iomaíoch
- Níor cheart foirmeacha iarratais comhlánaithe a chur ach mar cheangaltán ríomhphoist chuig [recruitment@pdst.ie](mailto:recruitment@pdst.ie) faoi **3 pm Déardaoin, 13 Meán Fómhair**.
- Ní bhreithneofar iarratais dhéanacha
- Bunófar coiste roghnúcháin chun tabhairt faoi gach gné den phróiseas roghnúcháin
- D'fhéadfaí gearrliostú a dhéanamh
- I ndeireadh na dála, tá sé de fhreagracht ar na hiarrthóirí freastal ar an agallamh má thugtar cuireadh dóibh déanamh amhlaidh. Ba cheart d'iarrthóirí a thabhairt faoi deara gur féidir nach mbeifear in ann dáta malartach a chur ar fáil
- Iarrfar ar na daoine sin a dtabharfar cuireadh chun agallaimh dóibh cur i láthair 5 nóiméad a thabhairt os comhair an phainéil agallaimh. Díreofar ann ar fhís an iarratasóra le haghaidh an phoist agus ar conas a d'fhéadfadh sé/sí cur le forbairt ghairmiúil leanúnach laistigh den SGFM
- Beidh an t-agallamh bunaithe ar inniúlachtaí atá ar aon dul leis na scileanna a leagtar amach sa sainchuntas poist i gcuid 3 thuas agus iad siúd arna leagan amach san fhoirm iarratais
- Féadfar painéal a bhunú as a bhféadfaí folúntais sa todhchaí a líonadh
- Dícháileofar iarrthóirí má thugtar faoi chanbhasáil dhíreach nó indíreach
- Beidh iarrthóirí freagrach as na costais ar fad a thabhófar mar gheall ar an iarratas agus ar an agallamh

## 8. Scaoileadh ón bPost Reatha

- Is faoi na hiarrthóirí a n-éiríonn leo comhaontú a fháil ó údaráis a scoile le go scaoilfí iad óna bpost chun glacadh leis an bpost nua ar feadh na tréimhse lena mbaineann
- Beifear ag súil go mbeidh iarrthóirí rathúla ar fáil a luaithe is féidir le glacadh leis an bpost
- Beidh tiomantas scaoilte ó d'fhostóir ag teastáil. Nuair a fhaightear tairiscint, iarrfar ar an iarrthóir a n-éiríonn leis/léi deimhniú láithreach a lorg óna f(h)ostóir (e.g. Cathaoirleach an Bhoird Bainistíochta). Ba cheart go dtabharfaí le fios sa ráiteas sínithe sin gur féidir leis an bhfostóir (e.g. Cathaoirleach an Bhoird Bainistíochta) an t-iarrthóir a n-éiríonn leis/léi a scaoileadh

## 9. Ceisteanna

Ba cheart aon cheist i ndáil leis an gcáipéis seo a sheoladh ar ríomhphost chuig [recruitment@pdst.ie](mailto:recruitment@pdst.ie)